

事師五十頌注疏

——成滿學者一切希願

南無上師文殊師利菩薩摩訶薩

成就一切諸佛智父童貞文殊身

妙音宣說運聲呼吸魔軍悉怖畏

凡諸至尊常恆含攝眾生作潤育

上師文殊惟願永久救護我及人

如理依止諸善聚之基 出生安淨常樂唯一門

承事正士知識五十理 我今如義宣說盡所能

此中言論，從於《攝秘密大教王經》、《幻化網次第》中摘出首要之頌云：

頃刻第一悉地成 即是不離軌範師

若無教授阿闍黎 決無能成悉地者

闍黎性相應當說

此頌所云者，謂言最勝成就共有之根本要則，悉皆係於正士知識能如理依止也。由是顯示此依附事業之應作故，於《事師五十頌》教理所作之上師依止法，而作今之解釋也。

其說分三：一、說所作之趣入。二、說親近之次第形貌。三、說所作之究竟也。

其初分二：一、以偈供讚。二、著師之宗量。

一者，以偈供讚。如本頌云：

大德金剛薩埵住得成就因

無上恩師蓮下如法敬事行

此中顯示，謂於依止，應作敬謹誠直故。云何敬者，謂於上師蓮座足下，最低之度以首近接，顯示最極恭敬等故也。若盡其所有恭敬等法者，即凡如其所有上師之三門悉作恭敬，乃至如其所有聖教調伏之理出生諸事，如是一切盡其所有而作恭敬、謹慎、誠實、正直等行也。復次，云何上師，如何形相，謂

具大功德等者。依《極獨吉》書名《第一觀察品》之七頌云：「最極無二之智慧」是也。如此所云，依不落似二顯現智慧之大德者，是金剛薩埵自分具足住之體性也，或得因位根本成就者亦并攝之。復次，金剛薩埵者，從《金剛頂經勇心十六》所說：「云何金剛薩埵耶，最勝菩提智慧是，如是決定名金剛，金剛智慧所由生，故稱金剛薩埵名。」此等所云，謂最勝之菩提正真等自性，及契入無分別法身之智慧者名金剛，及從此出生之色身者名薩埵，與此相似同者，皆金剛薩埵也。

二者，著師之宗量。

謂凡於諸少許能作德益之別餘諸師言教等，悉皆能作納受恭敬。如本頌云：

依多無垢相續彼之諸言教

於此所說總攝恭謹具善聽

如是頌云，謂此所說依止之量。凡其依止上師之法，能作分別顯示者，及於此彼此彼其中義同，而於此中未及說者，悉皆具大恭敬，能作誠實之敬習。

復次，告諸聽聞學子等善勉勵者，若於彼師報恩心斷，或於依止法理微有倒境現前，於依止之大意樂不相應住，或雖作正意觀察，而頃刻又復發起甚大之顛倒，或作上下進退掉亂，及種種放捨作意等，及於此《五十頌》之練習者與密語誦持，內心發起如上過失等之對治，所必不可少者，即是勇猛斷棄疑畏是也。又此所說總持，復能連帶統治別餘掉亂如八種錯覺等一欲二恚三害四親里五國土六不死七他來輕侮八族姓資材等相應是故此說含具甚大意義也。應知！以上第一說所作之趣入竟

第二、建立親近之次第形貌。分三：

一、說依止上師之理。二、決定依止法之時分。三、說與器如何相應之所作。

初、依止上師之理。又三：一、指示依止之總相。二、即此所緣之鼓號。三、依止之略義。

初、指示依止之總相。分二：一、正義所作。二、附帶時機。

初、正義所作。又二：一、依止上師法之略教。二、廣說。

初、略教。分三：一、於上師應作恭敬之意樂。二、實行恭敬之法。三、